

6. Framfærsla allra núverandi styrkþega sé sameiginleg og einnig þeirra, sem 7
kunna að verða úrskurðaðir á hinn forna Geithellnahrepp. Hreppsnefnd hvers 20. marz
hrepps annist um ráðstöfun og greiðslu vegna sameiginlegra styrkþega, sem
heima eiga innan hvors hrepps um sig.

Af heildarkostnaði við sameiginlega styrkþega greiði hvor hreppur eftir sama hlutfalli og við skiptingu eigna og skulda. Um hver áramót skulu hreppsnefndir beggja hreppanna leggja fram reikninga yfir kostnað vegna sameiginlegra styrkþega.

Sá hreppanna, sem ekki hefir greitt til sameiginlegra styrkþega hlutfallslega upphæð sína af sameiginlegum framfærslukostnaði, skal þá greiða hinum hreppnum það, sem til vantar í hlutfallslega þátttöku í sameiginlegum framfærslukostnaði, sem er fyrir Geithellnahrepp 40% og fyrir Búlandshrepp 60%. Framlög hreppanna til elli- og örorkutrygginga móti framlagi annarsstaðar frá, sem ganga til sameiginlegra styrkþega, reiknast með kostnaði viðkomandi hreppa vegna kostnaðar við framfærslu sameiginlegra styrkþega.

7. Bækur þær, er hreppsfélagið á, skulu vera eign Búlandshrepps, en hreppsnefnd Geithellnahrepps skal eiga aðgang að þeim, þegar hún þarfnast.
8. Hreppsnefndarmenn skulu vera 5 í Geithellnahreppi og 5 í Búlandshreppi.
9. Skiptingu eigna og skulda skal miða við 1. janúar 1940, en að öðru leyti skulu hreppsnefndir hinna nýju hreppa hafa lokið hreppaskiptum fyrir 15. apríl 1940. Verði ágreiningur út af skiptunum skal úr honum skorið af sýslunefnd.

Þetta tilkynnist yður, herra sýslumaður, hér með til frekari aðgerðar og birtingar, að því viðbættu, að með framangreindri fyrirskipun er engin breyting gerð á hinum forna Geithellnahreppi sem dómþinghá né manntalsþinghá.

Staðfesting konungs á skipulagsskrá fyrir Minningarsjóð Guðrúnar Sigurðar- 8
dóttur, Kristbjargar Marteinsdóttur og Sigríðar Hallgrímsdóttur, útgefin á venju- 2. jan.
legan hátt að mandatum af dóms- og kirkjumálaráðherra 2. janúar 1940.

Skipulagsskráin er þannig:

SKIPULAGSSKRÁ

fyrir minningarsjóð Guðrúnar Sigurðardóttur frá Halldórsstöðum, Kristbjargar Marteinsdóttur frá Yztafelli og Sigríðar Hallgrímsdóttur frá Landamóti.

1. gr.

Sjóðurinn heitir: Minningarsjóður Guðrúnar Sigurðardóttur, Kristbjargar Marteinsdóttur og Sigríðar Hallgrímsdóttur.

2. gr.

Sjóðurinn er stofnaður árið 1938 af samtíðar- og samstarfskonum hinna látnu kvenna, í Ljósavatns- og Þóroddsstaðarsóknnum, til minningar og þakkklætis fyrir vel unnin störf þeirra, í þágu sveitarfélagsins.

Stofnfé sjóðsins 31. desember 1938, nam krónum 375.50 — þrjú hundruð sjötíu og fimm krónur 50/100 —. En síðan hefir sparisjóður Kinnunga, á 50 ára afmæli sínu 1939, gefið til sjóðstofnunarinnar 2000 krónur, er hann greiðir með 500 kr. á ári í næstu 4 ár.

8
2. jan.

Tilgangur sjóðsins er:

3. gr.

Að veita hjálp fólki, á hvaða aldri sem er, sem verður fyrir slysum eða veikindum, enda njóti það ekki slysabóta eða annarar slíkrar hjálpar úr opinberum sjóðum á sama tíma. Við úthlutun styrks úr sjóðnum koma þessar ástæður aðallega til greina: Læknisvitjanir og læknisaðgerðir, lyfjakaup, sjúkrahússvist, langvarandi veikindi í heimahúsum og vinnutjón.

4. gr.

Tekjur sjóðsins eru: Vextir af innstæðufé hans, minningargjafir eftir dána menn og aðrar gjafir, áheiti, ágóði af samkomum og hvað annað, er einstakir menn eða fé-lög vilja af hendi láta til styrktar sjóðnum.

5. gr.

Sjóðurinn er sameign allra hreppsbúa í Ljósavatnshreppi aðeins, en hagnýta má fé sjóðsins eftir því sem skipulagsskrá þessi ákveður. Starfssvið sjóðsins er Ljósavatnshreppur og auk þess Úlfsbær, Arndísarstaðir, Hliðarendi og Hvarf í Bárðdælahreppi og Ingjaldsstaðir í Reykdælahreppi, þó þannig, að því er snertir nefnda bæi, að þeir sem nú búa þar, börn þeirra og barnabörn, njóti styrks af sjóðnum, meðan þeir eiga lögheimili á tédum bæjum. En þegar þeir hverfa þaðan burtu, hverfur og jafnframt réttur þessara bæja til styrks úr sjóðnum og verður þá starfssvið þessa minningarsjóðs aðeins Ljósavatnshreppur.

6. gr.

Stjórn sjóðsins skipa 3 menn. Skulu tveir þeirra kosnir sinn af hvorri kvenfélagsdeild í Ljósavatns- og Þóroddsstaðasóknum, en hinn þriðji sé kosinn af aðalfundi Sparisjóðs Kinnunga. Hætti kvenfélagsdeildirnar störfum, önnur eða báðar, flyzt kosningarrétturinn yfir til þeirra kvenna, 18 ára og eldri, sem búsettar eru í Ljósavatnshreppi. Skal þess jafnan gætt, að syðri og nyðri hlutar hreppsins eigi sinn fulltrúann hvor í stjórninni. Hætti sparisjóðurinn störfum, kýs hreppsnefnd Ljósavatnshrepps einn mann í stjórnina í stað sparisjóðsins.

Stjórnarkosning gildir til fjöggra ára í senn, og fara kosningar fram á sama ári og hreppsnefndarkosningar.

Stjórn sjóðsins vinnur kauplaust.

7. gr.

Stjórn sjóðsins ræður úthlutun styrktarfjár samkvæmt 3. gr. Hún heldur gerðabók. Í hana skal færa allar fundargerðir sjóðstjórnar, ársreikninga sjóðsins, úthlutun styrktarfjár, hverjum sé veitt og hve mikið. Sömuleiðis skal þess getið, ef sjóðnum hefir hlotnast fé á árinu, frá hverjum og hve mikið það sé, og sé um minningargjöf að ræða, eftir látinn mann, þá að geta þess nákvæmlega.

Stjórnin gætir hugsmuna sjóðsins í einu og öllu. Og við úthlutun styrktarfjár skal þess jafnan gætt að full þörf viðtakanda standi á bak við hverja styrkveitingu, og að fátækari maður sitji jafnan fyrir þeim sem efnaðri er.

8. gr.

Þeir, sem óska styrks af sjóðnum, skulu í nóvembermánuði ár hvert senda stjórninni beiðni þar um. Þó má stjórnin veita styrk samkvæmt skipulagsskránni, án þess að umsókn hafi borizt, ef hún álitur þess fulla þörf.

Stjórn sjóðsins tekur fullnaðarákvörðun um allar styrkbeiðnir, er henni hafa borizt, í desembermánuði ár hvert.

Nú er eitthvert ár engum styrk úthlutað úr sjóðnum, eða aðeins einhverjum hluta af þeirri fjárhæð, sem heimilt er að veita, og skal þá þegar svo stendur á, það fé, sem eigi er úthlutað, leggjast við höfuðstól sjóðsins.

9. gr.

8

Vextir af innstæðufé sjóðsins, svo og allar aðrar tekjur, er honum kunna að berast, skulu leggjast við höfuðstól, þar til ársvextir sjóðsins nema 400 — fjögur hundruð — krónum, en úr því má árlega úthluta $\frac{3}{4}$ vaxtanna samkvæmt þessari skipulagsskrá, en $\frac{1}{4}$ vaxtanna leggist jafnan við höfuðstól.

2. jan.

Reikningsár sjóðsins er almanaksárið.

10. gr.

Sjóðurinn skal ávaxtast í Sparisjóði Kinnunga. En hætti hann störfum skal fé þessa minningarsjóðs ávaxtað í Söfnunarsjóði Íslands, eða í annari tryggri peningastofnun.

11. gr.

Heimilt er að breyta skipulagsskrá þessari, ef til þess er álitin brýn nauðsyn. Þó skal aldrei breyta 1. gr. skipulagsskrárinnar og þess gætt, að öllu leyti, að sjóðurinn starfi sem nánast í samræmi við sinn upphaflega tilgang.

12. gr.

Leita skal konunglegrar staðfestingar á skipulagsskrá þessari.

Ljósavatnshreppi, 18. desember 1939.

Kara Arngrímsdóttir.

Klara Guðlaugsdóttir.

Baldvin Baldvinsson.

REGLUGERÐ

9

um hundahald í Vestmannaeyjum.

10. jan.

1. gr.

Í Vestmannaeyjum má enginn hafa hund nema að hann hafi til þess leyfi bæjarstjórnar. Bæjarstjórn veitir leyfi því aðeins að umsækjandi hafi meðmæli lög-
reglustjóra og sanni að um þarfahund sé að ræða.

2. gr.

Brot gegn reglugerð þessari varða sektum frá 100—1000 kr. og er hver hundur réttdræpur, sem fyrirfinnst í lögsagnarumdæminu, ef ekki er fengin heimild fyrir honum.

3. gr.

Reglugerð þessi öðlast gildi þegar í stað.

Reglugerð þessi, sem samþykkt er af bæjarstjórn Vestmannaeyjakaupstaðar, staðfestist hér með samkvæmt lögum nr. 8 4. júní 1924 og birtist til eftirbreytni öllum þeim, sem hlut eiga að máli.

Félagsmálaráðuneytið, 10. janúar 1940.

Stefán Jóh. Stefánsson.

Páll Pálmason.